

CARNAVALSMENU

De oplossing veur de sjnelle honger met Carnaval

Nao aanleiding van veurige oetgaves van dis gezet höb veer veul opmerkinge gekrege euver os ierdere carnavals menu's Zoervleisj en Frikandelle

Te meulijk en teveul werrek waore de miest gehuurde opmerkinge. Daorum dit jaor un recep dat neet kin mislukke en zoe klaar is ouch nao unnen aovend sjtappe: 't bruidsje knakweurs

**Wat höb geer nudig veur e bruidsje knakweurs?**

- allerierst netuurlik e **bruidsje**, e cadetsje, un pistoleke of e puntsje nao keuze wit of broen...

- en gein bruidsje knakweurs zonder weurs... dus

'n blik **knakweurskes** (of veur de leefhöbbers:

Frankfurthers)

- **Mosterd** (sorry Max)

1. Pak oet de kas un blik (knak) weurskes en probeer 't blik ope te kriege zonder uch in de vingers te sjneeje
2. Kiep de weursjkes in e pennek op t fornuis en zet dat aan zonder uch vingers te branne
3. Pak e bruidsje en snij dat door (in de lengte !!) en sjnei uch ouch noe neet in de vingers
4. Es de weurskes werm genug zeen, doe ch d'r dan twie op t bruidsje, wilt geer minderen of aafvalle, doe ch dan me rein weurske dr tusse, zeet geer vegetarier dan laot de weurskes mer zitte..
5. Klats d'r unne kwak mosterd op en geer zeet al klaar!!!

Let op: neet alle weurskes knakke, sommige weurskes zeen noe einmaal get sjlapper (of kleiner) dan andere, dao hoof geer uch neet veur te sjame...

Houd geer van 'n oetdaging dan kint geer t bruidsje nog weijer aanklije met wat geer tege komt in de ieskas: Zoermoos, augurk, unnekes, mayonaise, ketsjup, sjlaai....

Geer zeet noe klaar um te goon eete. Begin aan eine kant en werk door tot de andere kant. 't Is van belang um veural good te kouwe en zoedoende neet al te grote sjtukke aaf te sjlikke, geluif miech geer zeet os sjtraks dankbaar veur dizze gouwe tip.

Welt geer liever toch get sjiekers en ingewikkelders ete? Reserveer dan bee Bistobar Pappillon en vraog dao nao unne Chaud Chien... Bon Appetit...

De kopere Kromme



Eeder jaor weurt traditiegetrouw ouch de kopere Kromme oetgereik veur luij of vereniginge die zich biezunder verdeenstelik höbbe gemaak 't aafgeloupe jaor... Dit jaor geit de Kopere Kromme nao:

Leon Urlings

Veur al t'werrek dat heer verzet veur de FC Bemelen. Es secretaris zörg heer al jaore dat t allemaol lup bee de FC, 't papierwerrek, barwerk, lijnen trekken en alles wat nudig is um dees sjoen vereniging aan de geng te houwe. Heer kreeg heiveur al ondersjeingen van de NKS en de KNVB, veer wille dao gaer ozze

hoegste ondersjeing, de kopere kromme aan toe voegen

Menier Pesjtoer,

dae, nao zoeveul jaor zielezorg (en dat is bes un opgaaf in Bemele, os kommend jaor vaet verlaote. Met dank veur alles wat heer veur os gedoon haet.

Theo Dreessen,

Dae, es vrijwillig kantoneer, zoe 'n bitsje d'r veur zörg dat alles in Bemelen d'r sjiek en sjoen oetzuut: 't kerkhof, tuin, weike, moostem, sjtraot en weegkruus. Met sjoffel en sjöp mer nog liever met blaadblozer, bos- of graasmeijer of alles wat fleenk leve maak....

ADVERTEERDERS

Onderstaande bedrijven steunen de Carnaval in Bemelen, steunt u hen ook?

Tom van Leeuwen - Café 't Plateau - Henry VIII pub - Praktijk voor mondgezondheid Maastricht Christel Schlösser - Gastrobar Die Twie - Upstage, Podium verhuur - Dierenkliniek Maastricht - Van Motman, staalconstructie / montage / installatie - Van Gregor, interieur & verbouwing - Metaal draaijerij Lambert Thomassen - Thomassen Plant protection - Hotel Brasserie Bergrust - Dierenspecialzaak Conjarts - H&R Andriën, landschapsonderhoud Loonwerk - JD Electro Duyckers BV - PassieFlora Hoveniersbedrijf - Heijns Comfort & Energie - Camping Vinkenhof - Nijskens Grondwerken - Crijns Banden - Enchanthee - Face-it Beauty - Bèr Huynen, Tuin, Park, Landbouwtechniek - MVKVS Martin van Kempen, VAT services - Klinkers, groothandel in zoetwaren - Paul Bovens, Architectural design - Mourmans Infrsupport - Gezondheidscentrum Bemelen - Plus Kaufmanns - Wow foodstore - De Boonte Haan

De Gekkegazet

Carnavalsgazet van CV de Berggeitte 2024

De geruchtemeule....



Dao zeen v'r weer!!! De redaksie van de Geruchtemeule – inmiddels höbbe veer eve vööl abonnees es Privé en Story same – haet veur uuch weer 'n jaor langk alle roddels en geruchte verzameld die door 't dörrep de rundte dege, en dao höbbe veer 'n seleksie oet gemaak. Raoj ins woe veer bee oetkaome? Gein idee? Neet èrreg, veer höbbe langzamerhand auch gein idee mieër. Veer höbbe al zoevööl d'r euver gehuurd, gezag en gesjreve. Mer blikbaar nog neet genoeg. Daorum: 't rammelt achter de sjèrreme van 't gemeinsjapshoes. En nei, dat gerammel is neet umdat 't op insjortte sjteit – sommige luij kinne behuurlik euverdrieve... - mèr umdat de planne um de tent te verbouwe mer neet van de grond wille kome. Behauve mèt vastelaovend... Tot noe tow weurt d'r veural vööl gepraot. Mèr wie de Amsterdamse wèthawwer Jan Schaefer al zag: In gelul kun je niet wonen. En in geauwehoor kinste gein feeske bouwe, voege veer dao mèr aan tow.

Tied veur actie, dus. Es veer de geruchte moote geluive – en woerum zouwwe veer dat es Geruchtemeule neet doen? – sjteit die actie d'r auch aan te kome. De bouwcommissie is, haet os eine insaajder laote weite – drök bezig mèt de veurbereidinge. In ierste instantie sjtoon d'r 'n paar wèrkbezeuke op 't programma nao allerlei groete bouwprojekte in 't boeteland, um te zeen wie ze de zake dao aanpakke.

't Iersjte wèrkbezoek is inmiddels achter de rùgk. 'n Klein delegasie oet Bemele is aafgeloupe november nao Egypte aafgereis,

im ziech dao te laote beepaote euver de bouw van de piramides. Volges de nuijste archeologiese oonderzeuke ging 't bouwe van zoe'n piramide sjneller dan 't make van de planne veur 't gemeinsjapshoes in Bemele. En neet umdat ze 'ne pröl bouwde, want die piramides sjtoon d'r noe al 'n paar doezend jaor en eigelik zeen ze d'r beter oet es os gemeinsjapshoes.

Wie kint dat? Wie de delegasie oet Bemele trùgk kaom oet Egypte höbbe veer hun dat gevraag. Gein reaksie. Allein get gemooipel euver datste doezende sjlave in Egypte neet kins vergelieke mèt 'n sjoefelploog in Bemele. Dao weure veer dus neet wijzer van.

D'r sjtoon nog wèrkbezeuke op 't programma nao Paries – nao de kathedraal van Notre Dame, dae tijdens de nog altied neet aafgeloupe discussie euver 't gemeinsjapshoes in Bemele totaal aafgebrand en weer opgebouwd is – en nao Barcelona – nao de basiliek Sagrada Familia, 't innige bouwprojekt op de waereld woe ze langer (onaanfgebroke sinds de iersjte sjtein in 1882...) werk aan höbbe dan aan os gemeinsjapshoes. Veurluipog, tenminste, want in Barcelona weurt weer gemetseld...

Of 't allemaol get oethaolt? 't Rammelt achter de sjèrreme van 't gemeinsjapshoes. En 't zal nog waal eve blieve rammele. Houpelik veurdat de zaak letterlik oeterein rammelt. Wat de Geruchtemeule netuurlijk nauwlèttend veur uuch in de gate hèlt. Tot volgend jaor!



Nog mier geruchte; Sjandbeeld Spinx gepland op parkeerplaats Gemeinsjapshoes



Wis geer dat...?
Netuurlik haet de redactie ouch dit jaor weer heur oer te luustere gelag in Bemele um uch de letste roddels te kinne vertelle. D’r is netuurlik neet zoeveul gebeurd dit jaor mer toch.... En es ’t neet woer is, dan hōb geer ’t neet van os...

- Wls geer dat...?**
- Volges d’r Tump de zitting dit jaor naó de carnavaal waar, op 20 februari?
 - en die daomet d’r dus unne maand neeve zaote?
 - Dat dat waal mèt veel umdat die van de hermenie t oktoberfeest in Mei vierden en d’r dus vijf maand neve zaote?
 - Dat 20 februari volges de kalender van de Heemkunde trouwes hielemaol neet besjiteit?
- Wls geer dat...?**
- De Gemeente Eijsden Mergraote babyromperjes oetdeilt met daarop de tekst “Kal plat tege miech”?
 - dat veer volgend jaor ouch Volwasse T shirts wille laote make met dezelfde tekst veur op de Burendaag?
 - Dat de ierste burendaag in ’t Weike un groet succes waar?
 - Dat in plaats van ’n voedselbank dao noe un voedseltaofel waar, boe eederein al zien sjpulle kos deponere die dreigden euver de houdbaarheidsdatum te goon? Of dae wien dae zee gekrege hōbbe hunne verjeurdig?
- Wls geer dat...?**
- Marco Mourmans ziene rentree maakt bee de Hermenie in Bemele?
 - Heer ouch sjteed mie gesignaleerd weurt bee de FC?
 - veer dan puch benuijd zeen of heer inmiddels oetgerope is tot de nuije preens van de Berggeitte?
- Wls geer dat...?**
- De weeg van Bemele nao Keer unne maand is aafgeslote veur ’t opknappe van de weeg?
 - de weeg op de Sint Antoniusbank mer éine daag is aafgeslote veur ’t opknappe van de oprit bee Weijs?
 - d’r dao toch minstens evenveul beton is gesjtort?
 - mer d’r netuurlik dao waal groeter en zijwoerder bek op die oprit sjtoon dan dat d’r nao Keer reje?

de gekkegazet Zaterdag 10 februari 2024

- Wis geer dat...?**
- de planne veur unne garagesale in Bemele oeteindelik neet doorginge?
 - dat dit te make houw met vergunninge, neet met deilnummers?
 - Didier dat jaomer voond umdat heer in de tuin nog waal un garage haet die heer wil verkoupe?
- Wls geer dat...?**
- De Hermenie van Bemele un tekort haet aan leden die eedere maand ’t oud pepier ophoole?
 - zee heijveur vrijwilligers zeuke die gein lid zeen van de hermenie?
 - dat veer es redactie van t gezetsje waal wille met werreke aan un oplossing veur dit probleem?
 - en uch verzeuke um, es geer dit gezetsje hōb geleze, dit zelf es oud pepier bee de veurzitter Rene Brouwers in de bus te doen zoedat ze ’t neet hove op te hole?
- Wls geer dat...?**
- Jos Meijs zich ’t tractor rijbewies haet gehaold en niks leever deit dan tractor reeje?
 - heer dan ouch unne gooje chauffeur zou zeen veur de preensewage dit jaor?
- Wls geer dat...?**
- Dat de meule op ’t wolfshoes aafgeloupe jaor regelmatig in de vreugdesjtand is gezat door Koen?
 - dit nao aanleiding van un aantal geboortes?
 - veer dao oet opmake dat dao bove dekker get in de vreugdesjtand haet gesjtange?
 - Dat d’r nog sjteeds verontruste plateaubewoeners zeen dao bove?
 - die zich noe druk make euver kleingheden, tenminste dat begrepe veer, namelijk euver tiny houses?
 - dat veer dachte dat d’r ouch un geel tiny house in aanbouw waar in unne tuin op t gasthoes?
 - mer dat dat un onderdeel waar van de kunstroute?
 - Dat d’r un geweldige theetuin is op ’t wolfshoes?
 - mer dan un coffeshop messjien un beter idee waar zoedat ze get mier relaxed waore dao bove?
- Wls geer dat...?**
- ’T Caecilia-koer veurig jaor is opgeheve?
 - dat de kerk noe dus de sjeure in de moer kin goon hersjtelle?
- Wls geer dat...?**
- Bistobar Pappilon noe un jao ope is?
 - in ’t begin geine wis boe die stickers op de oto eigelik veur waore?
 - noe dudelik is dat ’t gein fastfood restaurant is?
 - umdat zee uch sjlekke op t menu h”Obbe sjtoon?
 - en dat d’r, ondanks de foto’s van op hun facebook pagina, ouch luij van boete Bemele komme ete?
 - ’t binne dao gans veranderd is behalve....
 - ’t opstapje nao de WC?

de gekkegazet Zaterdag 10 februari 2024

CURSUS AANBOD HEEMKUNDE:

IN 2024 NUIJ BEE DE HEEMKUNDE BEMELE:

OETGEBREID CURSUSPAKKET

OOS HEEM

NAO ’T GROETE SUKSES VAN OZZE CURSUS ‘KROEDWÖS MAKE’ IN 2023 WILLE VEER UUCH DIT JAOR ’N TOTAALPAKKET AANBEEJE MÈT DIVERSE CURSUSSE DIE UUCH GOON HELLEPE BEE ’T BEGRIEPE VAN UUCH EIGE HEEM.

IN 24 LÈSSE VAN VEER OOR (TWIE OOR THEORIE EN TWIE OOR PRAKTIJK), VEUR DE AANTRÈKKELIKE PRIES VAN 111,11 EURO (EXCLUSIEF BTW, BEER EN KOFFIE) LIERE VEER UUCH OONDER ANDERE:

POTTE BAKKE. Ooze oetermate deskundige lierkräch – bee dae kinste gerus ins ’n pōtsje breke– liert uuch binnen de kortste kiere wie-ste euvoral ’n pōtsje van kins make. Speesjaliteit: klein pōttekes mèt groete oere. En dan zoe broen wie ze nog noets eine gebakke haet...

AUW KEENDERSJPELKES. Huive, kletsj-boem, tuiwke sjpringe, neum ze mèr op, alles wie geer vreuger d’n tied mèt um hōb gekrege. Veur materiaal en oefenterrein weurt gezörreg. Cursiste hoe zelf allein de auw keender mèt te neume...

DREIKEUNINGE-ZINGE. Sukkes bee veurbaat gegarandeerd. Auch es geer neet kint zinge. De lierkrachte, lede van ’t veormalige kèrrekkoer, hōbbe dao ervaring mèt. Cursiste moote zèllef zörrege veur passende kleijaasj en QR-code veur ’t bedele.

VASTELAOVESMASKES MAKE. Neet gesjik veur luij die van zichzelf al ’n lieliek geziech hōbbe, of ’n geziech dat nörreges op liekent.

CONFETTI MAKE. Gesjik veur luij die van vervaeling neet weite wat ze moote doen. Cursiste moote waal kinne aantoeene dat ze genoeg sjnipperdaag hōbbe um de ganse cursus aaf te make.

KETELMEZIEK MAKE. Veur wae ’n hiel auw traditie in iere wilt hersjtèlle. De cursus weurt verzörreg door leje van de hermenie en ’t Bemels Keteerke. Cursiste hoove gein versjtand te hōbbe van meziek. Ervaring mèt herrie make is ’n pluspunt. Eige potte, panne en ketele mètneume. En oerdöpkes.

STEIT D’R NIKS TÖSSJE WAT UUCH BELANGSJTÈLLING HAET? IN EUVERLEGK MÈT DE SJTIECHTING HEEMKUNDE BEMELE KIN ’T CURSUSPROGRAMMA ALTIED AANGEPÀS OF OETEBREID WEURE. DUS MÈLD UUCH AAN BEE EINE VAN DE LEDE VAN DE HEEMKUNDE!!!! DE INSJRIEVING IS GEOPEND TOT DE VRIEDIG VEUR VASTELAOVEND. EN GÈRE DIRÈK AAFREKENE...

NUIJE SJPONSOR FC BEMELLEN



Toen dizze zomer de nuije sjponsor woort gepresenteerd bee de FC Bemelen waore d’r gemengde reacties, ’t ierste elftal waar gruutsj op hun nuij tenue mer ’t twiede voond dat de boodsjap neet gans aansjloot bee hun beleiving en veural, bee de derde helft... Daorum is d’r veur de tenues van ’t twiede ’n klein wijzigigb doorgevoerd... heijmet winne veer eedere derde helft aldus aanvoerder Emile Janssen....



Beste carnavallisten
Drinken en rijden gaat niet samen.
Wilt u veilig rijden tijdens Carnaval?
Wij kunnen u onze diensten aanbieden.
Bel ons en wij komen naar u toe.
Wij drinken in uw plaats zodat u zelf veilig kunt rijden

Bel Drinkservice Bemelen 043-111111

BERGOP VEUR 'NE GOOJE BOOJEM

Veer weite 't, veer weite 't... Netuurlik haet carnavaal de naam dat 't 'n zoepfees is. Dat is neet per oongeluk. Dreenke doen veer mèt de vastelaovend allemaol expres. En leefs auch nog mèt de vaart van ein expres-trein... Mèr toch: wae good wil kinne dreinke, zal zoe noe en dan toch auch in plaats van aan ziene lever ins aan ziene maag moote deenke. Dat wil zègke: lègk iersj eine gooie boojem aan en bouw dao uuch feeske op!

Noe kint geer netuurlik zelf in de keuke goon sjtoon, mèr mèt de vastelaovend geit dat allemaol ten koste van de zoep-tied. Dus kint geer beter urreges anders nao get voedzaams zeuke. En dao haet Bemele sinds kort 'n nuij gelegenheid veur: Bistro Papillon.

Veurop gezag: dat is gein frituur... Dus gein fast food (de sjnelle hap), mèr haute cuisine. Wat Frans is veur 'hoeg keuke'. Dat hèt zoe umdat die keuke hoeg op de berg ligk. Gespecialiseerd in slow food. Dat is neet ech langzaam ete – hoewaal d'r auch escargots op 't menu sjtoon, en langzamer es sjlekkte vinste neet zoe gauw – mèr veural ete datste op d'n gemaak moos nuttige. Neet zenewechtig weure, dus. De vastelaovend doort lang genog. Neum d'r d'n tied veur.

De menukaart van Papillon, dao is weijjer gein woort Frans bee. Nou ja... 'n Paar wäördsjes toch. Mèr dat mag geen probleem zeen. Es geer gewoen onthoud 'n eike op de menukaart van Papillon gein eike is, mè 'n oeuf, en datste dao gein vlaai mèt koffie krijs mè vlaai 'avec le café', en datste bee 't diner veur de hoofgerechte moos kieke bee 'plats' (wat niks mèt p te make haet, want 't blief haute cuisine), dan komp geer d'r waal oet. Oeteindelik maak 't ummers neet i wat geer tege die gerechte zègk, want ze zègke toch niks trùgk. In eeder geval neet in 't Bemels...

Garantie: es geer nao 't bezeug aan Papillon weer de berg aafrolt, van de haute cuisine nao de 'platte zaol van de Berggeitte, dan hób geer 'ne boojem gelag w geer de vastelaovesdaag waal mèt doorkomp. De rès: 'n kwestie van regelmatig blieve sjepeule...



LEI DAAG – 15 december

De eine krijg è leentsje, unne andere unne medaille, misschien wel unne kopere kromme... mer d'r is mèr eine in 't durrep dae unnen eige feestdag haet gekrege: LEI Net es Sinterklaos, Sint Teunis hóbbe veer noe dus ouch unne Sint Lei.... Unne daag dae veer maoge viere met n glaas beer en e sigaretsje... Wat os betreft volledig terecht.. Unne fijne St Lei geweens !!!



WEEM IS LEI?

Lei ziene officiële naam is Leonardus, mèr idderein kint 'm as Lei. Lei is altied opgewekt, steit euveral veur ope. Hae is ein ope book. Lei hult van fiëste, mèr is d'r auch in mindere tieje. Lei is gemoedelik en soms get (te) besjeije. Lei wèt van ut laeve te geneete. Lei dao kinse altiehd van op aan. En Lei... dae flut de ganse daag!

WAT WIL 'T WOLF SHOES



Dat is 'n vraag woe ze zich in Bemele en op 't Gastes noe al langere tied mèt bezig houwte.

Wat wil 't Wolfshoes? 't Zeen dao altied al 'n bitsje apaarte gewaes, in 't niemandsland tössje Mergraote en Gullepe-Wijlre, mèr d'r zeen sjteeds mieër sinjale dat 't binnekort waal ins oet de klauwwe zou kinne goon loupe. Wiezoe? Nou, ze hóbbe al 'n eige vlag, ze hóbbe al 'ne eige preens oetgeroepen... En umwoenende beginne zich noe ernstig zörreg te make: woe geit dit heen?

Antwoord: nao 'n onafhankelijke, autonome sjtaat Wolfshoes. Te wied gezeuk? Ein van os versjlaaggevers haet 'n jaor langk undercover tössje de bewoeners van 't Wolfshoes gelaef – verkleid es boonten hoond, um neet op te valle tössje al die wolve – en is tot de conclusie gekome dat 't meines is...


'n Klein mèr actieve groep Wolfshoezenaere haet zich samegepak es Aksiegroep Boze Wolf (ABW), en ontwikkelt planne um de buurtsjap los te weike oet de besjtaonde gemeintes en d't 'n apaarte gemeente van te make. 'n Ander groep, Bevrijdingsfront Don Kiesjot en de Windmeules (BDKEDW), geit dat nog neet wied genoeg, die wille gans oet Nederland weg – de Wexit - en van Wolfshoes 'n aparte sjtaat make.

Wie ze dat allemaol goon realisere, is nog neet duudelik. En wat de kanse zeen? Volges de BDKEDW moote veer hun neet ondersjatte. "Es verontruste plateaubwoenersj hóbbe veer mieër es genoeg ervaring in 't vechte tege windmeules. Dan zal 't mèt ambtelijke meules auch waal lukke..." Dat liek te wieze op 'n gevech van achter 't buro mèt ingezoonde brieven en bezwoersjefte tege van alles en nog mieër. De ABW liekent ierder te gokke op keihèlle actie, zoe wie 't oetlokke van grensconflicte mèt 't Gastes. D'r zeen al planne um zich mèt 'n groep vàs te plekke op de doorgaonde weeg van Bemele nao Suub, zoedat die van 't Gastes 'n sjtuk um moote vaare es ze nao Valekeberreg wille (al wèt geine woerum ze dat zouwe wille). Weijjere actieplanne weure nog oontwikkeld.

Wat wil 't Wolfshoes? Veer weite 't neet. En kome d'r auch tege-acties van 't Gastes? Veer houwe 't allemaol veur uuch in de gate.



BURENDAG



De ierste burendag in 't weike waor un groet succes... De luij kaome van alle kanten op 't evenement aaf... 't is dan ouch dé gelegenheid um al die flesje wien die ger oets hób gekrege en zef neet opdreenkt kwiet te komme zoonder nao de glaasbak te loupe, mer ouch kint geer dao met uch misbaksels terech, dat ouwe pak keukskes of waffele, dae mislukte tulband...of net euver de datum gegange levensmiddelen... en dat hoof dan allemaol neet mie in de GFT.... Un soort rommelmerret veur ete en dreinke..

Wilt geer zeker zeen van e lekker frisj en veers peelske? Nou dan nump toch gewoen uch eige Warsteiner met? Veer verheuge us noe al op de volgende burendaag, ns eve kieke wat veer nog in de kas hóbbe ligke...

'T LETSTE WOORD...

Leef luuj van Bemelen,

Veer kreege de vraag um hoogtepunten oet oeze afgeloape regeerperiode te keeze. En ein deenk kin veer uug vertille: het is neet gemakkelijck um ein hoogtepunt te keeze oet un periode die veur oes un aaneinschakeling van gezellige en bijzondere momente woar. Noe veer, Emile en Bente, dit schrieve en weer teruukdeenke aan alle sjoen momente die veer mit uug beleef hubbe in de carnavalsperiode, zitte veer weer van oer tot oer te lache en noa te genete.

In 2021 (en joa geer leest ut good), stonge Ralph en Guy aan de deur. Ze heije un vraag: 'Zous dich preens van Bemelen wille weure?' Ich zag direct joa, mer ich zoch waal nog unne tempel in Bemelen. Noa unne Air B&B bie pap en mam geboekt te hubbe, koes niks mie in de weeg stoon. De veurbereidinge koeste beginne, un muts, gilleke, sjeun, pak, proclematie en gank mer weijer. Ich lierde Bente kinne, mer veurdathet heur koes vertille keem de onzekerheid of ver waal alles koeste geeve en ut koeste viere wie veer dat gewènd woare. Un jeurke extra veurpret woort ut en dat woar het zeker.

Elfde van de elfde het joar derop, ginge de veurbereidinge van start, mer noe neet allein veur de prins, mér veur de prins én prinses. Veer kieke samen mit hiel veul plezeer teruuk op dees momente, van stiekem op zeuk noa ein pak en jurk in de stad tot de 20ste januari in de kelder. En toen moes ut nog allemoal goon gebeure!

De tocht noa de buhn, de luuj aan het speculeere, Bemels Keteerke aan het speule, allebei in de startblokke. Het aafuille begoes en toen woar het hoege woord eroet. Doa stinge ver dan es Prins en Prinses van de Berggeitte, oes geluk koes neet op.

De gemeente zitting, auwbulle zitting, recepties, zieke bezeug, buutaovende en de Hoeskamer woare ein veur ein bijzonder en geven oes opnuuj ein groete grijs op oes geziech. Ver wille dan och geare oes kastelijns hiel erg bedanke veur de gooi verzorging tijdens die oavende.

En natuurlijk het hoogtepunt van dees carnaval: de daag van de optocht. Wat hub veer van deze daag genoote! 'S murgens un verassing van de femilie, ontbijt bie 't Plateau en natuurlijk de schröbber veur de keal. Ut woar unne prachtige optocht, mit denskes, kerkes en luuj die same mit oes dur ein groet feest van maakte. Noa eine stop bie de Papillon sloote veer achteraan aan, wie weijer veer noa onder ginge wie feller het zonneke ging sjeine en wie goeter de lach op oes gezieg woort.

Toen veer ut durp in reeje zoage veer dat eederein zich verzameld heij bie die Twie. Veer keke elkaar aan en vanaaf dat moment zeen veer neet mie gestopt met lache en geneete. Veer zoage eederein dea veur oes dees periode zoe onvergetelijck heat gemaakt. Um te beginnen mit de manne van de road, die oes altied op han hubbe gedrage en woa veer geweldige momenten mit hubbe beleef. Hie kin veer uug neet genoeg veur bedanke. Och oeze families stonge op oes te wachten, veer zeen hiel dankbaar veur hun hulp, enthousiasme en leefde, die veer altied, mer zeker dees carnaval nog get mier hubbe moage ervaren. Last but not least de luuj van Bemelen die allemoal op hun eige leuke, grappige en gekke maneer erveur gezurgd hubbe dat deze optocht onvergetelijck woar. Het ut woar de sjoenste aafsleeting van carnaval die ver oes koeste weense.

Bemelen bedankt!

Prins Emile I en Prinses Bente



Preens Emile I en Prinses Bente
2023



Agenda 2024

4-2-2024 Sjpringmiddag Kindercarnaval bee Café 't Plateau aanvang 14:11

7-2-2024 Carnavalszitting in de hoeskamer Bee Die Twie (Aanmelden s.v.p.) aanvang 14:00 uur

9-2-2024 sleuteloverdracht

9-2-2024 Feestavond Berggeitte Bemelen

13-2-2024 Optocht Bemelen

CARNAVALSDINSDAG en OPTOCHT

Na de coronajaren was het afgelopen carnaval tijd voor een nieuwe opzet voor de carnavalsdinsdag in Bemelen. Geen grote wagens van buitenaf maar meer 'van het dorp, voor het dorp'. Hoewel iets nieuws natuurlijk altijd even wennen is, zat de sfeer er tijdens het ontbijt al goed in. Het weer was ons natuurlijk goed gezind, en met de prinsenwagens voorop vertrok de optocht richting het dorp. De deelnemers kwamen een voor in binnen en werden door de vakkundige jury van live commentaar voorzien. Zelfs toen de prinsenwagen als laatste binnenkwam bleef de optochtsfeer op straat hangen, we kunnen zelfs voorzichtig spreken van een Bemelse straatcarnaval.

Aan alle reacties te merken viel deze nieuwe opzet zeker in de smaak en hebben we als Berggeitte besloten om ook komende carnaval deze opzet te blijven hanteren!

Om deze dag wederom te laten slagen, nodigen wij iedereen uit om zich in te schrijven als deelnemer. Dit kan zijn als einzalgänger of grote groep en alles wat daartussen zit.

De optocht start op het Plateau en om een valse start te voorkomen, zorgen wij bij aanvang voor spek en ei voor alle deelnemers. Vervolgens start de optocht met de prinsenwagen voorop richting de put. Bij Bergrust zal de prinsenwagen langs de route plaatsnemen en de deelnemers beoordelen op hun originaliteit,

, amusementsniveau en muzikaliteit. De optocht trekt dan verder richting de put alwaar het 2^e defilé zal plaatsvinden. De professionele en volledig onomkoopbare jury zal hier een eerste reactie geven op de deelnemers en een beoordeling geven. De optocht zal net voorbij DieTwie worden ontbonden zodat we gezamenlijk de prinsenwagen kunnen binnenhalen. Na de prijsuitreiking zullen we ons in Bemels grootste polonaise naar DieTwie begeven waar we graag met iedereen nog een gezellige middag/avond zullen beleven.

Kortom, duik de verkleedkist in, maak de sjoenste pekskes, lees de (gekke) gezet voor de laatste nieuwtjes, pomp de banden van de kar vast op en mobiliseer vrienden, familie en dorpsgenoten om zich ook in te schrijven of juist om alle creaties te komen bewonderen!

Voor inschrijvingen en meer informatie verwijzen we graag naar onze website www.berggeitte.nl

Wis geer dat, naogekomme beriechte

Wis geer dat...?

- De Meule op 't gastes door de gemeente Mergratoe is oetgeropen tot Cittaslow ambassadeur?
- veer altied al wisten dat die van 't Gastes e bitsje slow waore...
- geer op Green Resorts in Bemele ouch terech kint veur un good Italiaans restuarant?
- dat 't met oud preens Pirion hiel get jao releije is dat veer heij unne gooje italiaan gehad hōbbe...
- dat veer euverigs veende dat dr missjien get veul resorts en get wienig greun is op Green resorts?

Wis geer dat...?

Dat Max Defesche bee de verkiezinge neet genog sjtumme how gekrege um in de raod te komme?

- heer daorum noem er in ozze eige raod (van elf) is gegange?
- dat veer Ivan Dreessen dus binnenkort ouch in de rao verwachte?

Wis geer dat...?

= Geer bee de gemeente un "kal plat met miech" rompertje kint hoole (es geer e babyke krijg tenminste

- Dat veer houpe dat ze dao ouch T shirts van goon make...
- dat dat handig zou zeen bee de nuije Burendaag...
- veer op verzeuk ouc T shirts kinne make met tekste es : "sjei me roet met kalle" of voetbal shirts met "neet kalle, voetballe..."

Wis geer dat...?

- Danny Crijns op ziene kop is gevalle? Neij, ech...

Wis geer dat allemaol?

Nou dan wis geer mie es os...

Carnaval is veur eederein, joonk en oud, en de jeug is de toekoms veur uzze carnaval. Sjiek dat d’r dus ouch weer veurzichtig unne keendercarnaval is in Bemele, geweldig. In t gezetsje wèlle veer ouch weer un leuke kleurplaat plaatse, Kleur ‘m in (of maak zelf e sjoen tekening) hang ze veur de roet , en sjtuur un foto op nao gezet@bemelen.com en mesjien win ste waal un leuk prijske !!



En veur de puzzelaers oonder os, de thoesbliers, de sjtille genieters, de “dat kin nog net veurdats veer op sjtap goon”-carnavalisten, de “ ’ns kieke of iech al weer get sjerper zeen”-sjtappers, kortom veur eederein dae dao zin in haet: Ozze Carnavalspuzzels. Daot uch bes, los ze op en sjiek de oplossing nao puzzel@bemelen.com gezet@bemelen.com en mesjien wint geer waal un leuk prijske !!

Zeuk de carnavalsweurd aan de linkerkant op, let op dat kin sjus wie Carnaval van Links nao rechts en boven nao oonder, mer ouch andersum... of andersum, de euverblierende letters vult geer dao oonder in..

O	M	O	P	T	R	E	D	E	N	L	E	T	U	E	L	S
P	O	D	I	U	M	N	O	N	N	E	V	O	T	C	P	P
T	S	E	E	L	V	R	U	U	Z	D	L	E	P	A	K	E
O	N	E	K	N	I	R	D	C	O	N	F	E	T	T	I	K
C	B	G	T	R	O	M	P	E	T	A	A	A	M	E	K	G
H	S	E	A	D	J	P	R	U	I	K	E	P	U	L	A	A
T	H	R	R	D	A	B	I	E	R	I	R	A	U	I	J	S
N	C	B	E	C	S	N	N	S	N	R	E	S	T	N	E	D
E	S	Z	A	G	A	N	S	Z	E	F	K	P	S	E	N	I
D	I	I	A	L	A	R	E	M	A	K	S	E	O	H	I	M
E	T	T	A	N	L	L	N	O	A	N	A	R	K	A	T	G
R	H	T	P	A	G	O	H	A	W	R	M	I	K	R	E	N
T	E	I	L	A	L	E	N	C	V	S	I	N	E	I	P	I
F	T	N	N	E	Z	V	R	N	S	A	A	E	E	N	R	R
A	S	G	T	I	E	G	G	R	E	B	L	E	T	G	E	P
B	E	S	T	E	L	L	I	N	G	N	E	R	S	J	S	S
R	N	O	I	D	B	U	U	T	E	R	E	E	D	N	E	R

AFTREDEN	NONNEVOT
ASPERINE	OBER
ASWOENSDAG	OPTOCHT
BALLONNEN	OPTREDEN
BERGGEIT	OUDPRINSEN
BESTELLING	PODIUM
BIER	PRUIK
BUUTEREEDNER	SCHLAGER
CARNAVAL	SERPETINES
CATELIJNE	SLEUTEL
CONFETTI	SPA
DANSMARIETJE	SPEK
DION	SPRINGMIDDAG
DRINKEN	STEEK
EINZELGANGER	STEHTISCH
FRIKANDEL	TROMPET
HARING	VLAAI
HOESKAMER	ZANGER
KAPEL	ZITTING
KOSTUUM	ZUURVLEES
MASKER	

⬆️ Woorden afstrepen

Oplossing

De Escaperoom puzzle


Help oud preens Emile te ontsnappe van zien boeien zoeddat heer de mei-den neet mie hoof met te sjleipe... los oonderstaond raodsel op, en vul de ciefers hij oonder in..



Escape room
Oud preense code



(Berry I - Pierre III) + (Math I x Christel I) -
(Gaston I + Eugene I) - (Marcel III + Peter II) -
(Monica I + Louk I) + (Lambert I - Peter I) - Dion 1



NIEUWS-FOTO-QUIZ



“KDaot mèt, en weur lezer van 't Carnavalsseizoen 2024 !

Terök van weggeweaes: Uzze " lezer van 't jaor" verkeezing of, in os geval, unne " lezer van 't carnavalsseizoen" Eederein kin met doen, 't is neet meujlik, geer hoof bee de foto's allein mer't gooje ondersjrijf te keeze. Väöl succes !!



Foto 1.

- A. Car – na - val
- B. Car - af - val
- C. Preensewage Preens Wolfshoes haolt Bemele neet en sjtrand bee 't café Plateau



Foto 4.

- A. Ierste kandidaten opvolger pesjoer Pijpers bekint...
- B. Sint Peterman, sjeinheilige en besjermheilige van zoeplep
- C. oettreijend pestoer viêt ziene letste celibataire aovend in sjtijn



Foto 2.

- A. Onthulling auw wiever noe bee café 't plateau
- B. Preens Emile en prinses Bente zetten plestic boete nao keenderzitting
- C. oetreiking ierste carnavals-condooms aan preensepaar bemele, size XXXXXXL



Foto 5.

- A. Nao moondmasker noe un neusmasker bee de sjutterij (veur es Roy weer eine liet goan
- B. Sjutterij velt met de neus in de Boter?
- C.Gemeinte Mergraote zet sjpeurneuzen hondpoep in...



Foto 3.

- A. Tandzorg neet mie opgenomme in zorgplanne CDA
- B. Ivan de verschrikkelijke op lies CDA Limburg
- C. Ivan fleenk aan de tand geveuld bee verkiezinge..



Foto 6.

- A. Vrouwelijke leden vogelwerkgroep make zich zurreg um doet veugelke
- B. wat un pech, veugelke weg...
- C. Vanaf hier ritsen....



Foto 7.

- A. Lars: mier boorsjes woorsj...
- B. Genderdiversiteit noe ouch bee FC Bemele 1
- C. ..dan moste ziene doedelzak 'ns zeen...



Foto 8.

- A. Ierste vestiging Easytoys op 't Rooth groet succes
- B. mèr zoe 'n groete pompoen, dat is toch neet te doen...
- C. ...tje, de manne motte weer nao un zitting...



Foto 9.

- A. Dol - fijn
- B. Piet Hein bringt de palingvissers aria tijdens burendaag
- C. Nao de vogelwerkgroep noe ouch vusjwerkgroep opgeriech in Bemele



Foto 10.

- A. Poetin fanclub Bemele...
- B. Gay pride feestje kantine FC Bemelen
- C. nuije sjponsor shirts FC Bemele laote op ziech wachte



Foto 11.

- A. Vink keump verhaol haole bee heemkunde club umdat heer neet op de kalender sjteit
- B. Illegale camping ontdek bee Jan en Elly in de plantage
- C. Woenwage kamp sjtrik neer in Bemele...



Foto 12.

- A. Nuij woonder, gein water in wien, mer beer in zeik veranderd...
- B. Helige Peterman met zien apostelen...
- C. Misdienaars in de rij veur beech...

Dat waar 'm weer veur dit jaor...

Geer höb 'n gans jaor um d'r veur te zurrege dat geer ouch op dees pagina terech komt door veural euch sjtomste foto aan us op te sjture...

Anders is dr altied waal eine in de buurt um uch miest genante momint vas te legke...

Maak d'r dit jaor un leuk feeske van.